



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° ՎԿ-004

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ» 19.12.2023 ԹՎԱԿԱՆԻ
Հ. Վ-49/128 ՈՐՈՇՈՒՄԸ ԲԵԿԱՆԵԼՈՒ ԵՎ ԳՈՐԾԻ ՎԱՐՈՒՅԹԸ ԿԱՐՃԵԼՈՒ
ՄԱՍԻՆ»

ք. Երևան

«31» Հունվարի 2024թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից 20.10.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 6-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Ջենմա Ջոնիկի Ավագյանի կողմից Երևան քաղաքի Մ. Խորենացու փողոցի հ. 24 ՈւՕ1, ՈւՕ2 հասցեում գտնվող կետում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք, որի վերաբերյալ 03.11.2023 թվականին կազմվել է թիվ Ա-005430 վարչական իրավախախտման վերաբերյալ արձանագրությունը (հետայսու՝ արձանագրություն): Կազմված արձանագրության հիման վրա հարուցված վարչական վարույթի արդյունքում 19.12.2023 թվականի «Վարչական տույժ նշանակելու մասին» հ. Վ-49/128 որոշմամբ անհատ ձեռնարկատեր Ջենմա Ջոնիկի Ավագյանն օրենսգրքի 169.16-րդ հոդվածի 6-րդ մասով ենթարկվել է վարչական պատասխանատվության՝ 150.000 ՀՀ դրամ գումարի չափով:

Անհատ ձեռնարկատեր Ջենմա Ջոնիկի Ավագյանը 23.01.2024 թվականի հ. Դ-9829-24 դիմումով տեղեկացրել է, որ թանկարժեք մետաղների վաճառքը իրականացվել է համապատասխան թույլտվության առկայության պայմաններում:

Միաժամանակ անհատ ձեռնարկատեր Ջենմա Ջոնիկի Ավագյանը 23.01.2024 թվականի հ. Դ-9829-24 դիմումին կից ներկայացրել է 02.08.2023 թվականի հ. 23/94040 թույլտվությունը:

Ներկայացված դիմումի հիման վրա «Վարչարարության հիմունքների և վարչական վարույթի մասին» օրենքի /հետայսու՝ Օրենք/ 30-րդ հոդվածի 1-ին մասի «ա» կետի հիմքով հարուցվել է վարչական վարույթ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին հետազոտվեցին վարչական իրավախախտման վերաբերյալ 19.12.2023 թվականի հ. Վ-49/128 գործը, 23.01.2024 թվականի հ. Դ-9829-24 դիմումը, 02.08.2023 թվականի հ. 23/94040 թույլտվությունը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ

20.10.2023 թվականին անհատ ձեռնարկատեր Ջենմա Ջոնիկի Ավագյանի կողմից Հրեան քաղաքի Մ. Խորենացի փողոցի հ. 24 թիվ ՈՒՕ1 և ՈՒՕ2 հասցեներում իրականացվել է թանկարժեք մետաղներից պատրաստված իրերի մանրածախ վաճառք, որպիսի գործունեության իրականացման համար վերջինս ունեցել է համապատասխան թույլտվություն:

Վերոնշյալ փաստական հանգամանքներից բխում է, որ քննարկվող դեպքում բացակայում է Օրենսգրքի 169.16-րդ հոդվածի 6-րդ մասով նախատեսված վարչական իրավախախտման կազմը՝ զանցանքի օբյեկտ հանդիսացող արարքը, ուստի անհատ ձեռնարկատեր Ջենմա Ջոնիկի Ավագյանի նկատմամբ 19.12.2023 թվականին կայացված թիվ Վ-49/128 որոշումը ենթակա է բեկանման:

4. Վարչական ակտ ընդունելու իրավական հիմքերը.

Օրենսգրքի 293-րդ հոդվածի 1-ին մասի համաձայն՝ վարչական իրավախախտման վերաբերյալ գործի որոշման դեմ զանգատը կամ բողոքը քննող մարմինը (պաշտոնատար անձը) ընդունում է հետևյալ որոշումներից մեկը՝

1) որոշումը թողնում է անփոփոխ, իսկ զանգատը կամ բողոքը՝ առանց բավարարման.

2) բեկանում է որոշումը և գործն ուղարկում նոր քննության.

3) բեկանում է որոշումը և կարճում գործը.

4) վարչական իրավախախտման համար պատասխանատվության մասին նորմատիվ ակտով նախատեսված շրջանակներում փոխում է նշանակված տույժի միջոցը, բայց այնպես, որ տույժը չխստացվի:

Օրենքի 38-րդ հոդվածի 2-րդ մասի «ա» կետի համաձայն՝ լսումներ կարող են չանցկացվել, եթե՝ վարչական վարույթի արդյունքում ընդունվելու է բարենպաստ վարչական ակտ, որը չի միջամտում այլ անձանց իրավունքների իրականացմանը, կամ վարչական աշխատի հասցեատերը չի պնդում, որ լսումներ անցկացվեն:

Ելնելով վերոգրյալից և ղեկավարվելով Օրենսգրքի 293-րդ հոդվածի 1-ին մասի 3-րդ կետով, Օրենքի 38-րդ հոդվածի 2-րդ մասի «ա» կետով, 219.1-րդ, 252-րդ, 281-րդ և 282-րդ հոդվածներով, ինչպես նաև Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Ջենմա Ջոնիկի Ավագյանի նկատմամբ 19.12.2023 թվականին ընդունված «Վարչական տույժ նշանակելու մասին» թիվ Վ-49/128 որոշումը բեկանել և գործը կարճել:

2. Սույն որոշումը կարող է բողոքարկվել դատական կարգով՝ որոշումն ուժի մեջ մտնելուց հետո երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱՆ



ԱՐԱՄ ՄԱՐՏԻՐՈՍՅԱՆ